



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xvij Historia von etlichen Märtyrern in Franckreich.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Dieser Calixtus ist ein fürtrefflicher vnd
Christlicher Bischoff zu Rom gewest / vñ
hat gelebet zu der zeit Seueri des Römischen
Kensers. Er soll auch die Quatuor tempo-
ra, welche man nach gemeynem brauch die
Quatember, oder die vier Zeitten im Jar
nennet / zuhalten auffgerichtet haben. Solche
zeit aber seindt vil anderst dann sie jetzt von vn-
seren Geislosen gebrauchte / gehalten worden /
Dann die gräwliche verfolgung der Christen /
hat sie wol von herken lehren betten vñ fasten /
den leib zu Casten / vnd zu dem Gebett tüch-
tig zu machen. Er hat auch in seinem Namen
einen herlichen Kirchoff bauen lassen / dahin
vil leib der Märtyrer / vnd Bilgram / vnd der
Christen begraben wurden. Endtlich ist er ge-
tödtet worden / den 14. October / Im sechsten
jar seiner Regierung.

ti
A
xvi
Calixtus

Man findet inn bewerten Schrifften / das
vor vnd nach der zeit Bielenij gräwliche
Mörde der Christen geschehen sein / Zu Nor-
bona sein vmb des willen / das sie die Päpsti-
schen gräwlichen irthumb vnd sünde gestraf-
et haben / inn kurzer zeit hundert vnd vierzig
getödtet worden.

et
B
xviij
Märty-
rer inn
Franck-
reich.

H v Item

Die / im jar 1210. sein 24. grävlich vmbbracht worden / Im nachfolgenden jar sein zu Paris vber fünff hundert / auch vmb gleicher vrsach willen / ermordet worden / In dieser zal ist auch gewesen der fromme Fürst Americi / er ist jederman zu schmach gehenckt / vnd die Fürstin sein Gemahel / mit steynen zu Todt geworffen. In summa / es ist zu derselbigen zeit hin vnd wider ein gemeynne grävliche verfolgung der Christen gewesen.

ua
E
xviiij
Elerus

Dieser Elerus ist vonn gebure ein Römer / vnd ein Christlicher Bischoff daselbst gewesen / Er soll der dritte Pappst nach Sanct Petro gezeilt worden sein / daruon jetzt vnuonnöten ist weiter zu sagen / Vnder Domitiano dem Kenser ist er gemartert / vnd sein Leichnam im Vaticano den sieben vnd zwenzigsten Aprill begraben worden. Er hat gelebet zu den zeiten Vespasiani vnd Titi / bis auff Domitianum vnd Nuffum / wie daruon Damascenus schreibet / Er hat das Bischofflich Ampt Regiert 11. Jar / ein Monat vnd 11. Tag.

Dieser